


48

Gottfried Doehler  
Connessy, 19. März 1912.



**Ulrichs von Hutten verteütscht clag**

An Herzog friderich zu Sachsen. Des heyligen Römischen  
Reichs Erzmarschalck vnd Churfursten  
Landgrauen in Thüringen/ vnd  
Marckgrauen zu Meissen.

Faint, illegible text, possibly bleed-through from the reverse side of the page.

Verwaltung von  
Friedrich Becher

# Die verteiltschet clag Ulrichs von

Hutten an Hertzog Friderich von Sachsen.

**D**rebleuchtigster hochgebornet Churfurst gnedigster hertzo  
Nun sich ich erst/ das man sich muß ernstlich gegenn der  
Komischen tyranny stellen/ setzen/ vnd sperren. Nun erst  
weil vnser brüder die Romanisten so dick vnd oft brüderlich ver-  
manet vnd erinnert/ so dick vnd oft durch gut gegrünt vsachen  
vberwunden/ die ding vnd sachen so vns beschweren nit allein lins  
der handlen/ sonder auch all hendel auffe aller geschwindest furnes  
men. Hat E. C. G. nit gehört das begert vnd gesucht wirt/ mich ge-  
fangen gen Rom zuschicken/ vnd was das sey/ vnd wie wol es inen  
ansteet/ zimme vnd gebire/ sicht E. C. G. Sy haben auch verzo/ mein  
lieber got/ wider Doctor Martinum Luther/ wie ein gewaltsame/  
wie ein grausame vngutige vnd grimmige Bullen außgon lassen/  
also daß man es eigentlichenn mag sagen es sey Lewen geschrey/  
welches so die vnseligen schaff des herin Christi horen es nit als ein  
gutige stym des bitten erkennen/ sonder daruor gleich als vor einer  
blutigigen stym eines wilden vnd grausamen betrieglichen vnfer-  
lichen nachtrachters/ erschrecken. Wañ wa ist doch in ir ein einiger  
fußstapf oder anzeigung der Christenlichen senssmutigkeit/ wa ist in  
ir ein einige ereugung der demut der heyligen zwelffpotē/ also grim-  
miglich schreyet er/ also rohet vnd wutet er/ aber sein grimmigkeit  
ereugt sich so daß am aller meysten/ wañ er wie daß oft in der sel-  
bigen Bullen geschicht/ sich fur ein andern angibt/ vnd listiglich  
stellet als meyner er es gut vnd treulich/ wie daß dise maynung ist/  
das er den Luther mit so guten worten gen Rom erfordert/ eben als  
so were vns verborgen/ wie er mit vns handlen vnd umbgan wurd.  
Wañ einweders der Luther sich vberreden ließ/ vnd williglich gen  
Rom keme/ oder ich mit gewalt gezwungen dahin kommen muß.  
Derhalben so Doctor Martinus Luther mir folgenn wil so wirt er  
nymmer mer dahin komen/ da er vngezweyfelt gemartert wurd. Aber  
das nympt mich groß wunder/ wer das den Leo den zehenden vber-  
redt habe/ so ich so leichtlich mocht gefangen vnd gefangen miten  
auß Germanien oder Teutschem land vber das vnwegsam walsch  
gepürg gen Rom gepracht werden. Vnd weñ er es gleich vermocht.

Ist daß das eines hirten/ist das eines bischoffs/ist das des starbale-  
ters Christi ampt vnd gebur/nicht beclagen/nit verhoren/sunder zu  
stund vnnnd erstlich zu der marter ein Christlichen menschen ziehenn  
vnnnd tringen. Aber die gantz schuld vnnnd das gantz laster ist vnser  
selbs das wir die Euangelisch vnd gotliche leer von inen vor langest  
vmb jres gewins vnd eygen nutz willen veraltet/vnd schier außge-  
tilget/vns vnderstanden haben wider zu jrer krafft vnd macht vnd  
jrem liecht zu bringen/vnnnd das wir vnser Teutschland der vnder  
allen nation in der gantzen welt die freyheit am meisten gebürt/nit  
gestatten dienstbar zu sein/das hat disem hirten mißfallen/aber es  
hat dem herin Christo wol gefallen. Das hat dem Romischen hoff &  
durch den geytz verderbt ist/geschadt. Aber es hebt nun an zum frün-  
men vnd nutzen vnserm vatterland/das nun langezeit der freyheit  
mangelt. Wir haben auch nit eines yeden begir mügen willfaren/  
als wir wolten got dienenn. Vnd als wir wolten vnserm vatterland  
helffen vnd raten/haben wir es mit der Curtisan vnd Romanisten  
birtnuß vnd zunfft nit kunden halten/darumb haben die Romanistē  
kein frid mit vns (dañ das ist jr meynung) wann wir haben frid mit  
der warheit. Darumb sag ich. Wir müssen vns endlich mit ernst vnd  
schwind gegen inen setzen/weil wir auffß hochst von inen beraube  
vnd geblundert werdenn/vnnnd jr boßheit auffß grost erwachsen ist.  
Vileicht auch auß diser vsachñ/das es zeit ist/das der herz alle hoch  
fertige besuche/der da vber das geschwell gat/der da erfüllet das  
hauß got des herren mit der vngerechtricket vnd betriglicheit/vnnnd  
die kron der hoffart der truncknen Eßfraym zerruttenn werd. Wañ  
mich betriegñ daß alle ding/so ist es gantzlich nahent daß das groß  
Babylonien zerfall vnd vergee/ein mutter der hurerey vnd buberey  
vnd der aller greulichesten vnmenschlichen handlung des erdreichs/  
welche das erdreich hat durch jr hirtisch vnwesen vergifft vnd ver-  
derbt. Ja der Romisch stul der alles vnflats vol ist/der mit allenn  
vbeltharenn verhefft ist/welcher wiewol er auffß aller vngemessent  
des herren Christus leer lebt vnnnd handelt/dennocht sich berümbt  
hie auff erden des herren Christi stat auff erden halten/vnd sich al-  
lein berümbt vnnnd außruffet fur ein haubt der gantzenn Christenli-  
chen kirchen. Ja der selbig Romisch stul wil allein die gantz Christ-  
lich kirch sein vñ zeigt sein abgot der welt/den vermurmelten Apo-



stolischen oder Papst/der wiewol er lautter nichts dan die kunige  
reich der vergenglichen zeit/vnd die reichumb diser welt vnd wol-  
lust des leibs achtet/vñ vmb der selben willen krieg stieret/vnd blut  
vergeußt/dennocht den Christglaubigñ augen die schlüssel furwirft  
vnd furgibt den hymel zu verschliessen vnd auff zerbun mit so gros-  
sem durst/das er auch die heilige vñnd hymelische ding vns teglich  
vmb gelt verkaufft/oder weñ es im geliebt vñnd gefelt die selbst  
verbeut auch den frumen/warlich es wirt fallē/ es wirt fallen. Ich  
laß mich auch beduncken ich hor yetz dise stym vom hymel herab/  
die vns wider dis vilheuytig grausam wild thier errege vñ sprach-  
Geht im wider vnd thund im vergeltung/wie es euch vergolten hat  
vnd zwifacht die zwifachen nach seinen wercken/in dem tranck dar-  
mit es euch gemischt hat vermischet im zwifach/so vil es wurdig/vñ  
in wollust gelebt hat/so vil marter/leid/pein/vnd betrubnuß ver-  
mischet im/dan es sagt. Ich sitz ein kunigin/vnd bin nit ein wittib/  
vnd wird kein leid vnd clag sehen vnd der gleichen. Das muß eintz  
weders also sein/oder aber ich wird in dem ding (das der warheit  
wunder ser einlicht)betrogen. Mochten nun dise ding noch hoher zu  
nemen/oder weyl sy nit hoher mogen steigen/vnd auffs hochst vber  
heufft seint/solten sy nit zertrent werden/solten sy nit fallen. Aber  
wer wil das rechnen wer wil diß alles also verderbt/also vergifft/  
also verruckt widerumb rechtfertigen/bessern/vnd auffrichten. Soll  
es got thun/sicher got wirt es thun. Aber durch die hend der mens-  
chen/wie hievor zu mer malen geschehen ist. Wa seind nun jr fur-  
sten vnd herren/was thund jr darzu/mit was rat/mit was beystand  
erzaigt jr vns hilff. Heuor E. C. G. welcher von wegen erblicher vnd  
angebormer gerechtigkeit zusetz vnd gebürt der Teutschen nation frei-  
heit zu vnderhalten. Was gibt die fur ein rat hie zu. Durch welchen  
weg hilfft sie vns. Welchen zugag nimpt sy ein. V wolt got dz eintz  
weder yr den mut sñ vñ willen hetñ/die yr dz vermügē habt/oder  
aber dz wir des vermüges weren die dē willen mut vñ sñ habñ/dz  
wir mit laß dem seligmacher des menschlichen geschlechts strittñ  
diß vilhornig wild thit/ein gemein beschwertig d gantzē christēheit/  
welches yetz mit grosser macht die warheit bekriegt/die frumē gotz  
forchtign heyligē leut beschwert/die freyē in gefencknuß gefurt/vñ  
serē gutet vñ reichūb ausgeschepfft/die hab vorschindt/der gantzē

Christenheit sitten durch sein boß exempel vnnnd vorbild verderbt/  
vnd von den der namen in dem buch des lebens nit geschriben seind  
angebet wirt/die zu vns sprechen. Wer ist disem thier ainlich/ vnnnd  
wer vermag mit im zu streiten. Derhalben huy jr die das vermitigñ  
habent/ kompt vns zu hilff/ vnd weñ jr auß vnser ermanung ein ge-  
mut genomen habt/ so teylt vns dargegen widerumb euwer macht  
mit/ daß durch dise weg vñ weiß wirt dise tranckheit geheilet wer-  
den. Warlich ich wil allzeit euwer gettewer ermaner vnnnd anreger  
sein/ vnd so lang bey euch bleiben biß ich sich das jr einweder wi-  
derumb die sterck vñ manlich vest nit annemen oder aber vermerck  
daß jr der stercke nit empfenglich seyt/ denn so wil ich einn andere  
artzney fur dise tranckheit suchen/ ich bit aber darvor zu sein das es  
nit geschech. Nit allein darumb das jr es auffß leichtest vermitigt/  
sonder auch das es außß aller schentlichest vnd vnerlichest ist/ das  
gemeinn Regiment durch ander daß durch die hauptfurstenn vnnnd  
herren widerumb zu erheben. Wir werden nicht allein geweltiger/  
die wir vns vnderstanden haben ermanung vnd erinnerung zerbun/  
sonder sy beflissen sich jertz alle menschen vnder zerrucken. Ir solt  
das auch nit leiden/ als die freien leut. So solt jr auch disem als die  
Fursten furston. Carho der elter hat in vor zeitzen zu Rom gesagt/  
die Amptleut vnd Regenten solt man mit steinen zu tod werffen/ die  
gewalt vermochent zu erweren vnnnd erwertens nit. So hoch vom  
noten hat er diß ampt im gemainen nutz gehalten/ wie vnerlich  
aber wie schentlich vnnnd vnrედlich ist es/ das die Nation die da ist  
ein Kunigin aller Nation yemärs (vil weniger den mussigen pfaf-  
fen) dienstbar sein sol. D wolt got das wir darfur den Turcken vn-  
derthenig weren/ die doch menner seind vnd seer gestreng vnd vest/  
so krieges erfarenn als kaum yendert ein Nation/ damit mann dise  
schuld dem glick das im krieg seer groß macht hat zu messen miig  
Ja die Turcken regieren auch guetiger/ vnd seind gegen iren vnder-  
thonen sensstmutiger/ so streitten sie auch nit vmb den glauben vnd  
gotlichen dienst/ sonder kriegen vmb die furstlichen oberkeit. Aber  
dise vnser herren was setzen sie doch fur ein maß vnd end zu rauben  
vnd blindern schinden vñ schaben/ vnd wer kund doch den gotlichñ  
dienst also mit fussen treten/ als eben die so wiewol sie die oberkeit  
in gottes dienst haben/ gerad wider den herren Christum vnnnd die

warhaffrigen gotzforcht lebent. Warlich ich schent mich vnser seer  
so oft ich sich daß der Bischoff zu Rom hie auch den Fursten etwas  
gebeut/doch thut das der Papst als oft es im gefelt vnd geliebet/  
vnd so oft es im dienstlich vnd zutreglich ist. Vnd als ich sich so  
layst ir im gehorsam/allein daß E. C. G. Doctor Martin Luther vñ  
allen menschen verlassen halter vnd geacht wirt in im erneert  
vnd vnderhalten ein funcken der alten stercke vnd feste/welcher  
eines mocht das aller heilwertigest feur anzuenden. Werwegen  
E. C. G. ich mit gar vnderthenigem fleiß erman vnd bit/ diß besten-  
digklich zethun/vnd von berurtem furnemen nit zu ston. Nit allein  
darumb das es also sein muß/sonder auch das man in diser sachen  
zu niemants anderem mer vnd baß hoffnung haben mag. Wañ die  
Sachsen seind alle zeit frey gewesen/ alle zeit vnuberwindlich. Ja  
weñ oft schier das gantz Germanien vnd Teutschland bekriegt ist  
worden/so haben die Sachsen allein die fremden herren abgeriben  
vnd sich aller dienstbarkeit gewidert. Wañ ich zel vnder euch die  
Westphalen vnd die so in vor zeitren die Cherusci vnd Cauci ge-  
hassen/ein merckliche erzeigung irer manlichen gemut vnd gethat  
in dem Romischen krieg gethon/vnd Teutschen landen den Armi-  
nius geben habenn/den aller besten vnd aller stercksten haubman  
der ye auff erden gewesen ist/welches lob er auch von den feinden  
erlanget hat. Welcher nit allein sein vaterland/sonder gantz Ger-  
manien vnd Teutschland auß den henden der Romer die zeit do sy  
am mechtigsten vnd reichsten waren erlediget vnd gerissen/vnd  
die Romer mit vil vñ vngeworren schlachten darnider gelegt/man-  
lich vertriben vnd veriaht. Werhalbten der selbig vnser erloser/was  
meint er was helt er yetz in ihener welt/weñ er sieht/weil er die ve-  
sten Romer vñ herren der welt hie nit hat lassen herschen vñ regiern  
vñ vns sieht den verzagten paffen vnd weibischen bischoffen dienst-  
bar vnd vnderthenig sein. Solt er sich nit seiner nachkomen schemen.  
Dwas seind euwer keyser Dionnes fur menner gewesen. Ja auch  
keyser Hainrichen/auch euwers gebluts/geschlechts/vnd stam-  
mes. Weitter im krieg der mit keyser Karel dem grossen ist lenger  
dañ dreissig iar gefuret worden/was ist vor grosse stercke/was fur  
grosse vest der Sachsen erfahren worden. Setzet auch darzu die so die  
letzte hauffen der Gothen vmbgebracht vnd erschlagen habenn/dañ

es seind auch Sachsen gewesen / auch die Brittanien oder Engelland bekriegt vnd gewonnen haben / vnnnd nach vertreibung der inwoner / die Engellender von inen vnd Schotten darein gesetzt. Was sol ich auch von den alten Cimbris vñ Teutones sagen / die vorzeiten mit grossen schaden der stat Rom auß ewern landen in Italien gefallen seind. folgend o wie offit sein die Sachsen in Italien gezogen / wie offit habenn sy zusampt andern Franckreich verhort / vnnnd Hispanienn auch darneben angriffenn. Ja man findt auch das die Sachsen mit den Sarmaten redlich gekriegt haben / vnd was vnnnd wie hochtrumliche sig haben E. C. G. Sachsen zu mermalen von den Heunen / vnd darnach auch von den Vngern erhalten. Ich vbergee vil geschichten mit vorsatz vnd willig / daß es ist gnug diß einigen gedacht haben / das allein die Sachsen nie keiner frempten Nation vnderthenig vnd dienstbar gewesen ist / das sich gebürt euch zu sehen vnd bedencken / auff das weil euwer vorfordern so theur leut gewesen seind / it nichts thut / das euwerm geschlecht vbel anstunde. Ist wol war / it habe das joch auff euch genomen von den Pepsen vnd Bischoffen / eben wie die andern all durch den vnglauben erwaicht. Weil man aber dise beschwerung mag achten fur ein solchē last. die vileiche durch ordnung des hymels lauff die gantz Christenheit in gemain hat sollen vbergon / dennoch werden it dise vner leichtlich mit einer neuwen außleschenn / wann it haubtsecher seind der aller feinsten vnd erlichsten that / damit durch euch die gantz Nation widerumb frey werd / vnnnd Germanienn oder Teutschland widerumb zu im selbs kom / welches verzo o ewiger herrz Christe nit verstat / nit weyßt was / vnd wie vnbilliche vnnnd vnerliche ding es leidet vnnnd erduldet / derhalben last vns aintweder auffhoren das kayserthumb vnd oberst regiment der welt vns zu zeschreiben / vnd vns alhie kayser zu erwelen die allein den namē haben so sy doch mit der that am ferresten daruon seind. Oder aber last vns kunlich das bepftisch tyrannisch regiment auffheben vnnnd abthunn. All rugent wie Plato maint seind frey / allein die bosenn sein würdig der dienstbarckheit. Solt das besser sein böß sein daß fur die frumste gehalten werden. Wenn der großthetig feldhauptmann Themistocles verzo lebet / so mocht er wider vns das sagen so er vorzeiten wider die Erethrienser saget / sy hetten das schwert aber sy hetten kein herrz vnnnd mut / daß

darfur eben ich sich es an. Nich verwundert set / was jr Fursten  
vnd herren gedencet / Wen jr sehent mich reuter dise vnbilligkeit so  
beschwerlich ertragen vnd verdulden / dan es het vil bass vnd mer  
euch gebürt / euch darmit zu bekumern. Nun mocht E. C. G. wainen  
so weil ewer vorfordern vil loblicher vnd grosser gerhatenn vnd  
geschicht gethon ir kein vsach vnd gelegenheit gelassen het / auch  
rum eer vñ glouen zu erlangen. Aber sy haben E. C. G. die aller best  
vñ aller fruchtbarst gelegenheit gelassen. E. C. G. greif nur tecklich  
vnd kunlich darnach. Aber das wir furhaben / wirt nit on mord / nit  
on blut vergiessen geschehen / da sehent die auff die vnß verursachen  
sy zu verfolgenn / die ich fur gantz wurdig achte sy mit dem schwert  
zu schlagen / so die andern so dick vnd oft hienoz geschlagen haben.  
Also pflegen zu mermalen die aller hefftigiste krankheit mit den al  
ler hefftigisten arzneien zu haylen / also muß mann hie auch thun /  
weil es nit anders kan zugon. Aber ich halt es darfur / das E. C. G.  
von vnserer schand vnd vneer / welches zum ersten vnd furnemlich  
hat sich gebürt zethun gnug eingebildet sey / Aber von dem schaden  
vnd nachtail / so wir von der berurten tyranny haben / durffen wir  
nit so vil anzeigen thun / darumb daß alle menschen offentlich sehent  
vñ verstond / welcher massen er ist. Wir sehen dz in Teutschñ landen  
kein gold vnd auch schier kein silber ist / weñ aber ein wenig noch  
vberbliben ist / dasselbig zeucht 8 allerheyligest Romanisten vñ Cur  
tisan rat auff alle geitzigest zu jm / durch erdichtung newer fiind  
vnd trick / vnd weñ er vns etwas abgerissen hat / so wendt er es dan  
in den aller ergsten mißbrauch. Dan liebenn Teutschenn ich hab zu  
Rom gesehen was vnser gelt machet. Es thut vñ macht etwas. Leo  
der zehent gibt des ein tail vberschwencklich seinen vettern obemen  
vnd freunden / deren er also vil hat das ein sprichwort darauß wor  
den ist / des Leon zu Rom vettern vnd schweger. Ein teil verzeren so  
vil erwidigsten Cardinel / deren einunddreissig der vater vnd pater  
auff ein einigen tag gemacht hat / souil reuerendaris / souil audito  
res / prothonotarien / abbreviatores / bepstisch schreiber / kamerer / of  
ficiel / vnd der gleichen ander / der obersten kirchen primatenn vnd  
furnemsten / wañ die selbigen haben an inen mit vberschwenckliche  
grossen vnkosten cophysien / bedellen / botten / knecht / kerer / eseltrei  
ber / stalknecht / vnd ein vnzellig schar huren / buben / ruffianer / vnd

Kupler/so halten sie auch hund/pferd/affen/merkatzien/vnd vil des gleichen vmb des wollusts willen/so bawen sy heuser von gantzem marmelstein/vnnd heabn edel gestein/leben vast wol/vnd kleyden sich kostlich/schlemmen/prassen/vnnd warten irer wollust on alle sorg/kurtzlich vnd in der summa ein merckliche menig vnd anzal der aller boßhafftigisten menschen gat zu Rom durch hilff vnser gelts vnd guts mußig. Da selbst ist kein achtung vnd auffebung des gotlichen diensts/ja ein grosse verachtüng. Der gleichen ich kaum glaub auch bey den Turcken sein/sy betriegen/sy befferen/sy stelen/sy liegen/sy felschen die sigel/sy reden vnd thund alle ding vmb des gewins willē. Vñ aller die daselbst seind/furnemest ist/nach vnserem gelt vnd gut mit betrug zu trachten. Sy leben auch darumb das sy essen vnd trincken/vnd auffs aller kostlichest in wollust stecken. vnd dasselbig erheben sy durch vnsern vnkosten. Vmb diser sachen willen durchleuchtigster furst vñ gnedigster herz/schicken wir von hinnen jerlich ein merckliche grosse summa gelts/dennocht verstond wir noch nit das wir das gelt nit verlieren vnd in dreck werffen/das wir also außgebenn/ja das nit allein vnser gut vnnd gelt also verloren wirt/sonder vsach wirt vnzelicher grosser vbel. Demnach geliebe vnns zu philosophieren/vnnd thun wie im vorzeiten die philosophi oder weysen gethon haben/vnd wir beschlossen haben das gelt weg zu werffen/so habē wir in der nehe das merz vñ die see/vnd fließende wasser/bey vns den Men/weiter den Kein/vnd dort E. C. G. die Elbe/vnd andere wasser mer/laßt vns das gelt daselbst hinein werffen/auff das es mer verloren werd/dann das es allenthalben vil leuten vsach werd irer wollusts/weil wir dise vntugent zu Rom darvon erneren vñ halten so oberflüssiglich das da selbst her etwas oberfließt vnd sich ergenst/weil wir dise gemaine pestilentz der sitten halten/vnnd dise vergiffte vmb sich wachsende sucht des vntugentlichen lebens erneren vnd vnderhalten/aber laßt es vns nit weg werffen/sonder allein nit anderßwabin füren vñ wenden. Wiß wirt der erst vnd best weg/vnd die weyß vnd maß sein benantes tyrannisch oder wuterisch regiment zerstorn vnnd zu vertilgen/dañ wenn man inen dise narung vnd auffenthalt des vberflus entzogen hat/so werden sie sich dester weniger erheben vnd trosten/vnd in gmain glimpfiger vnd guttiger werden. Darnach so wollen wir durch ein

hauptman den alten kayser Dren gemess den bepflichen vnd Car-  
dinel Kat mustern vnd die gantz stat Rom besichtigen vnd der bo-  
sen ser vil vertreiben vnd entsetzen/etlich wenig verordnen der got-  
lichen ampt zu warten vnd sy nit lassen herschen vnd regieren. Dem  
kayser so er wil wollen wir den stul vnd den hoff des kayserlichen  
regiments wider einreumen vñ geben/Den Bischoff zu Rom (damit  
die bischoff all gleich seyen) wollen wir herab setzen vnd geringer  
machen/den pfaffen wollen wir die zins mindern/wir wollen sy zu  
der messigkeit bringen/it weniger machen vnd auß hundert pfaf-  
fen einen außlesen vnd nemen. Aber was wollen wir mit den ma-  
chen/so die brueder vnd munch genennet werden/was anders dan  
das ich achte/das man die munch all sol abkun.welches man wis-  
sen sol/das so es geschech gemainer Christenheit ser nutz/ser gut/  
vnd ser furtreglich sein wurd. Dan erstlich weñ souil sectenn souil  
versamlung eingezogen vnd in ein einigen hauffen gebracht/ souil  
ungleicher mainung mit einander verainigt vnd versonet werden/  
die vngleichheit des lebens auffgehoben wirt/so wirt der hymelisch  
vnd innerlich widerwil auffhoren/so wirt kein vrsach der verkorli-  
chen vnd bosen gramtschafft sein/auch kein vnersachung vnd zun-  
der des neydes sein/dan wir werden alle in dem herren Christo ein  
einig ding sein/es wirt ston vnd bestendig bleiben gemain eintrech-  
tig vnd wir werden vns alle zusamen thun vnd halten/damit wir  
aufwendig von den anderen vnder schiden seind. So dan wirt kein  
weibischer/bloder/lustsucher/oder geztziger wie yetz/nach geystlic-  
hen leben vnd pfrunden ston vñ trachten/die frumen vnd geleerten/  
die mit dem eyempel vñ vorbild des lebens die andern frumer ma-  
chen vnd mit der kunst vñ leer vil leut vnderweisen vñ leren/wer-  
den darzu erfordert vnd geztzogen werden. folgent/so werden (wel-  
ches zum vordersten zu winschen ist) souil gleichßner auffhoren dem  
einfeltigen volck ein gepler vñ spiegel fechte zu machen/den armen  
iren schweyß vñ blut ab zebetlen alle menschn auß zu schepfen/sich  
zufullē vnd der falschn gestalt des gotliche dienstis zu betriegē vñ ge-  
faren. Sicht E. C. B. nit wie vil arglistiger vñ betrieglicher bubē vn-  
der 8 munchs kappn zu weilen grosse bosheit vñ vbelthat treibn vñ  
dz yetz vil betrieglich habich/der taubē einfalt furgebē vil raubēder  
wolf sich stellē als werē sy vnschuldig leblin vnd welchen doch wen

Hütten  
Refor-  
tion

etlich frümer seind/etlich jr new auffatzung vñ fund aberglaublich halten/vnd das so Christus vnser herr auffgesetzt vnd gebotten hat/vnchristlich vbertreten. Wenn diese souil beschwerung so Teutschlād verzeren/vnd ye lenger vñ mer alle ding verschlinden abthon wurden/vnnd den Romanisten vnnd Curtisanen jr freyheit zu rauben/schindenn/vnnd schaben genommen wurd/so wurd hie vil golt/so wurd hie vil silber sein/vñ so vil vns desselben bleiben wirt/so wirt man mügen baß anlegen vnd wenden/als nemlich groß heer vnnd kriegs volck darvon zuhalten/das Reich zu meren/auch so es vnns geliebt vnd fur gut angesehen wirt/die Turcken darmit zubekriegen auff das vil die yetz auß armut stelen vnd rauben so daß sich durch besoldung mügen vnderhalten/oder die sunst arm vñ durfftig seind durch verfehung des gemainen scharz sich zu erneren vnd der armut zu erwerben gehalten. Auch das die aller geleertisten dauon gehalten/vnd die freye vnd gute schrifft leer vnd kunst gefurdert vnd beschutzt werden. Vnd in der sum/das die tugent belonet werd/vnnd das man ein ansehen vnd achtung hab auff die eingebome hauß armen leut/das das mußig gon vertrieben werd/vnnd die betriegererey abkom. Wenn das die Beheim sehen werden/so werden sie es in allen sachen mit vns halten/dañ darumb das sy hienor inen selbs wider die geertzigen pfaffen vnd geistlicheit geholffen vnd geraten haben/seind sy daran verhindert worden. So werdens die Briechen auch mit vns halten/welche(als sy der Pepsst tyrannisch vnd wutterisch regiment vñd wesen weder wolten noch kundien leiden)seind sy auff der Romer eingeben nun lang zeit fur schismatici oder zertrenner der Christlichen eintracht gehalten wordenn. Also werden auch die Kenffen die vnsern vñ Christen werden/welche als sy in nechstuergangen jaren wolten Christen werden/seind sy von im in irem furnemen durch den allerheyligsten abgertungen worden/der von inen gefordert hat/im yerlich viermal hundert tausent guldin zugebenn. Also werden vns auch die Turcken nit so ser hassen vnd gram sein. Auch kein Maid vnd vnglaubigen wie vor vsach haben vns vbel zu reden/dañ bißher hat das vneerlich schentlich leben der geyslichen obern der Christen namen bey den vnglaubigen heßig verachtig vñ vnanschenlich gemacht/solt das sein das auff vnd ab fardende schiflein sant Peters in den flussen vñ mer quellen ertrencken/die kirchen



gotes zerstören/ vnd wie die kirchdiebischen Romanisten vnd Curti-  
san schreyen die vnrein schul vnd zunfft der Epicurer vnnnd lustbegie-  
rigen rufft den vngeneren rock des herren zerrissen/ oder aber durch  
den zugang souiler volcker/ durch besserung vnnnd rechtfertigung in  
gemin der siren des lebens vnd wesens/ vnnnd durch ablegung der  
vergifften bosen exempel vnd vorbild/ rainigen/ erheben vñ meren.  
Derwegen sieht E. C. G. wie gar die mainung nit ist das die christ-  
lich vnd briederlich lieb sol vertilget werden/ sonder das nach hins-  
legung der ding die darzu hinderung thunt/ darzu raum vnnnd stat  
geben vnnnd gemacht werd. Wie gar mein mainung nit ist das die  
christlich kirch zerstoret werd/ sonder das die betriglichen ferlichen  
Antichristen vertriben vnnnd veriaht werden/ vnnnd frumen rechten  
Christen/ vnd die eins gutten lebens seind/ die kirchen zu verwalten  
versorgen vnd versehen ein zugang geben werd. Demnach wirt diß  
furnemen nichts anders sein/ dan die christlich lieb wider auff brin-  
gen/ die kirchen meren/ vnd in des das man in gemain der gantzen  
Christenheit hilfft/ dem vatterland merckliche furderung vnd vor-  
tail erzaigen. Dañ die gleichs wesens stands vnnnd willens seind/  
seind leichtlich eintrechtig vnd fridlich gegen einander/ vñ die eins  
gotlichen lebens seind/ müssen von not wegen einander lieb haben.  
Wen wir nun die mussigen vnd faulen premen oder humeln vertri-  
ben haben/ so werden die honigbringenden pyn zufliegen/ welche on  
vnser sorgfelickeit dise pynstock widerumb vol honigs setzen wer-  
den/ dañ die reichtrumben werden nit sein ein raytzung vnnnd verur-  
sachung zu vntugenden. So wirt auch die vberschwencklicheit der  
guter nit zu ein bosen leben ziehen. D wolt got dz eintweder jr darzu  
willen vnd naygung hetten die jr es zethun vermiigt/ oder aber das  
ich des vermiigens wer der den mit syn vnd willen darzu hat. Vnd  
so ich euch nit wird miigen bewegen vnd erregen/ vnnnd anderßwa  
auch nit ein fewr erwecken/ durch welchs dise dinng verbrent wer-  
den/ so wil ich doch das ich allein zethun vermag nichts thun das  
einem vesten vnd vnerschrocknen vom Adel vbel anstat/ vnd nymet  
mer weil ich bey gutter vernunfft sein wird das wenigest von mei-  
nem furnemen abtretten. Aber ewer die ich wurd sehen von der mäs-  
lichen stercke vnd feste fallen (so ich es anders sehen wird) micher-  
barmen vnd ein mitleyden mit euch tragen/ vnnnd wil frey beleiben:

Dañ ich fürcht den tod nit. Es sol nymer mer vom Hutten geboit  
werden das er einem frembden kunig wie groß vnd mechtig der ist/  
vñ vil weniger dem vnberigen Papsi dienstbar vñ vnderthenig sey.  
So gar wird ich nit zusampt euch dasselbig vilhauptig wild thier  
anbeten/ mit allein darumb das es wider mein natur ist/ vñ das ichs  
darfur halt es stand mit vbel an/ vñ sey mit vnerlich/ sonder auch  
am meysten darumb/ das ich mich wird forchten vnd besorgen/ es  
mochten die trinckgeschirz des gotlicheu zorns wider mich außge-  
schutet werden. Aber jetzo verlaß ich die stet/ darüb das ich die war-  
heit nit kan verlassen/ vñ lig innen auffs aller freyest/ darumb das  
ich nit kan frey vnder den leuten sein/ mit grosser verachtung der ge-  
ferlichkeit die mich vmbingt vñ vmbgeben hat/ dañ ich kan sterben/  
aber ich kan nit vnerlich vnderworffen vnd dienstbar sein. Ich kan  
auch nit sehen/ das die Teusch nation vnerlich dienstbar sey/ aber  
ich halt/ ich wol einest auß disen winckeln hinauß brechen vñ fallen  
vñ der Teuschen treu vñ glauben anruffen/ vñ vileicht an dem ort  
da die aller grost versamlug der leut sein wirt mit lauter stim schrei-  
en. Nun wer darff misampt vñ neben dem Hutten vmb gemainer  
freyheit willen sterben. Diß hab E. C. G. ich mit merer freyheit auß  
bewegung meines gemuts/ dañ gegen E. C. G. woll billich besche-  
hen solt/ angezeigt/ aber ich hab trostliche gute hoffnung zu E. C. G.  
gehabt/ vñ derhalben es darfur gehalten/ ich solt zu einnem freyen  
frey vnd vnerschrocken schreiben. E. C. G. gehab sich glücklichlich  
vnd errege sich. Sehen zu Eberburg/ an der dritten Idus des Septe-  
bers das ist am afftermontag nach vnser lieben frawen geburt. Im  
jar nach der geburt vnser herzen. 1570.

E. F. G.

Vndertheniger diener

Otrich vom  
Hutten.

DHM  
1989/48

HTOSSD ANST

202, 12-sonderk.

85-16.8.



R 93/893

